

VIJESTI IZ PODRUŽNICA

Podružnica GIG-a grada Sarajeva

PROGRAM RADA ZA PERIOD 1985-1987.GODINA

Na 10.sjednici održanoj dana 11.4.1985.godine Predsjedništvo podružnice usvojilo je Predlog programa rada za period 1985-1987. godina, koje su sačinile radne grupe, i to:

1. Radna grupa za iznalaženje mogućnosti obrazovanja uz rad i mogućnosti stepenovanja nastave na Geodetskom odsjeku Gradjevinškog fakulteta u Sarajevu (I,II i III stepen), koji sačinjavaju: Faruk Selesković, Vladimir Lukić, Muhamed Hadžiomerović, Čedomir Šakota, Đorđe Dutina, Jeremija Pejić, Davor Medić i Ferid Omerbašić, planira da uradi slijedeće:

- Provesti anketu među zaposlenim stručnjacima i utvrditi interes radnih ljudi za obrazovanje uz rad;

- U redovnom postupku utvrditi radnu organizaciju koja će biti pokrovitelj školovanja geodetskog kadra;

- Pokrenuti inicijativu kod odgovornih faktora na fakultetu u Sarajevu da se formira Komisija za izradu nastavnih planova i programa o školovanju kadra kroz redovni i vanredni studij za geodetskog inženjera i diplomiranog inženjera;

- Ispitati cijenu vanrednog studiranja i utvrditi interes radnih organizacija da snose ove troškove;

- Utvrditi potreban broj geodetskih stručnjaka za rad Komisija za izlaganje (član 69. Zakona o premjeru i katastru nekret-nina.

Nosilac aktivnosti: Davor Medić, član Predsjedništva

2. Radna grupa za osavremenavanje nastavnih planova i programa na Geodetskoj tehničkoj školi i Geodetskom odsjeku Gradjevinškog fakulteta u Sarajevu i organizovanje stručnih predavanja, koju sačinjavaju: Dragutin Zdjelar, Milan Momčilović, Nezir Kazić, Mirsad Bakšić, Antonija Okić, Nijaz Karačić, Vojo Zelović i Sekula Jakanović

planira za naredni period da uradi slijedeće:

- ispitati mogućnost školovanja V stepena na srednjoj školi,
- ispitati mogućnost uže specijalizacije u završnoj godini,
- permanentno pratiti aktivnosti na izmjeni programa, a naročito uvođenje na fakultetu mogućnosti stepenovanja i studija uz rad,
- u mjesecu aprilu organizovati predavanje o komasaciji,
- u mjesecu maju organizovati predavanje iz fotogrametrije,
- u mjesecu junu organizovati predavanje iz oskultacija,
- u oktobru 1985.godine održati sastanak radne grupe i analizirati izvršenje plana rada i planiranje zadataka za naredni period.

Nosilac aktivnosti: Mirsad Bakšić, član Predsjedništva

Radna grupa za naučno istraživački rad, koju sačinjavaju: Abdulah Muminagić, Mihajlo Lojpur, Jože Korpić, Smajo Pašalić, Njegoslav Vukotić, Božidar Milišić, Mustafa Mehmedagić i Nihad Kapetanović, planira slijedeće:

- Razmotriti mogućnost tješnje saradnje sa Republičkom upravom za geodetske poslove i katastar nekretnina u postupku donošenja pravilničkih propisa na osnovama novog zakona o premjeru i katastru nekretnina, aktivnim učešćem u obradi pojedinih tema,

- U cilju unapređenja tehnologije rada na premjeru i izradi katastra nekretnina, razmotriti mogućnost tješnje saradnje sa Geodetskim zavodom u Sarajevu na iznalaženju najracionalnijih rješenja za pojedine praktične zadatke,

- Na principu udruživanja rada i sredstava, razmotriti mogućnost tješnje saradnje Geodetskog fakulteta u Sarajevu, Republičke uprave i opštinskih organa uprave i geodetskih radnih organizacija,

- Razmotriti mogućnost finansiranja pojedinih naučno-istraživačkih tema od strane nadležnih organa i institucija,

- Podržati inicijativu za osnivanje naučno istraživačkog instituta pri Geodetskom odsjeku Gradjevinskog fakulteta u Sarajevu.

Nosilac aktivnosti: Božidar Milišić.

4. Radna grupa za kulturno-zabavni život, koju sačinjavaju: Branko Hadžistević, Zlata Tucaković, Razija Tanović, Petar Jovašević, Dragan Obradović, Šeho Zimić, Nada Vuca i Fadil Hodžić, planira uraditi slijedeće:

- Svake godine u treću subotu u mjesecu februaru organizovati drugarsko veče,

- Razmotriti mogućnost tješnje saradnje sa drugim Podružnicama GIG-a, posebno sa Podružnicama GIG-a iz glavnih gradova republika, u cilju organizovanja međusobnih posjeta, organizovanja sportskih takmičenja i dr.

Nosilac aktivnosti: Raza Tanović, član Predsjedništva.

5. Radna grupa za opštu aktivnost i finansijska pitanja, koju sačinjavaju: Mihajlo Lojpur, Asim Hadžialić, Božidar Koroman, Stomatovski Božo, Abdulah Kapetanović i Muhamed Hadžiomerović, angažovaće se na rješavanju slijedećih pitanja:

- Organizovano raditi na omasovljenju organizacije Saveza GIG-a u gradu Sarajevu i uključivanju što većeg broja geodetskih stručnjaka na relaciji zadataka Društva,

- Putem ankete obratiti se svim subjektima na području grada, u kojima rade geodetski stručnjaci i na taj način prikupiti podatke o geodetskom kadru i članovima Saveza GIG-a, s tim da svaka organizacija odredi povjerenika koji će održavati kontakt sa Predsjedništvom podružnice,

- Na osnovu prikupljene dokumentacije sačiniti spisak svih geodetskih stručnjaka na području grada,

- Poduzeti mjere za obezbjedjenje materijalnih sredstava, koja su potrebna za realizaciju programa rada Podružnice. U tu svrhu, treba podržati inicijativu za povećanje članarine i sagledati mogućnost pružanja materijalne pomoći od strane radnih organizacija.

- Pokrenuti inicijativu za osnivanje kluba Geodeta u gradu Sarajevu.

Nosilac aktivnosti: Lojpur Mihajlo, član Predsjedništva.

DRUGARSKO VEČE

Podružnica geodetskih inženjera i geometara Sarajeva, poslije duže stanke, organizovala je tradicionalno drugarsko veče. Naviknuti na ovakva sastajanja, 2. marta ove godine većina članova sa svojim prijateljima, došla je u dom JNA na jedno ugodno veče zabave i drugovanja.

Zapažen je i gest organizatora koji je na ovo drugarsko veče pozvao kao svoje goste penzionisane kolege i kolegice, proglašene za počasne i zaslužne članove društva GIG-a SRBiH koji žive u Sarajevu.

Organizatori su se pobrinuli da obezbijede prijatnu atmosferu sa muzikom, pjesmom, šalama, plesom i svim onim što ide uz ovakva druženja.

Bilo je tako lijepo da su svi rekli da je kratko trajalo i da obavezno treba sa organizovanjem drugarskih večeri nastaviti svake slijedeće godine.

PREDAVANJA

Početak ove godine organizovana su dva predavanja:

- Iskustva u provodjenju komasacija u SAP Vojvodini.

Predavač: Medić Slavko.

- Mjesto i uloga geodezije u društvenom sistemu informisanja.

Predavač: Mr Ristić Dragutin.